



Broj: T18 0 KTK 0018417 25

Datum 29.08.2025. godine

Optužnica potvrđena 03.09.2025.godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

1. **D. O.**, rođena 1962. godine,
2. **M. J.**, zv. „M.“ rođen 1969. godine,
3. **S. P.**, rođena 1970. godine,
4. **E. Š.**, zv. „M.“ rođena 1973. godine,

Što su:

D. O.

1) Dana 11.06.2024.godine u Brčkom, nakon raspisanog Javnog poziva Odjeljenja za raseljena lica, izbjeglice i stambena pitanja Vlade Brčko distrikta BiH broj: 35-000124/24 od 24.05.2024. godine, navedenom organu podnijela je prijavu za dodjelu sredstava iz programu stambenog zbrinjavanja, sanacija/rekonstrukcija ratom oštećenih/porušenih stambenih jedinica na području Brčko distrikta Bosne i Hercegovine za 2024. godinu, s ciljem da po tom osnovu dobije novčana sredstva u iznosu od 27.000,00KM, a znajući da je jedan od opštih uslova za dodjelu pomoći za stambeno zbrinjavanje predviđen članom 6. stav 1) tačka e) Odluke o načinu raspodjele sredstava za realizaciju Programa stambenog zbrinjavanja, sanacija/rekonstrukcija ratom oštećenih/porušenih stambenih jedinica na području Brčko distrikta Bosne i Hercegovine za 2024. godinu broj 01.11.0323SR-001/24 od 15.05.2024. godine, i taj da podnosilac zahtjeva i članovi njegovog porodičnog domaćinstva nemaju na teritoriji Bosne i Hercegovine drugu stambenu jedinicu koja se smatra uslovnom za stanovanje u skladu sa Standardima, pa je uz istu priložila, a što je i htjela, ovjerenu i svojeručno potpisanu neistinitu izjavu u kojoj je navela da ona i članovi njenog porodičnog domaćinstva nemaju na teritoriji BiH drugu stambenu jedinicu koja se smatra uslovnom za stanovanje u skladu sa Standardima, iako je znala i bila svjesna da član njenog domaćinstva, suprug, R. O., u to vrijeme, posjeduje uslovnu za stanovanje u skladu sa Standardima, nekretninu (kuću) koja se nalazila u ulici Mujkići I broj 20, Brčko distrikt BiH upisanu u z.k. ulošku broj ..., kao stambena zgrada I, površine 81 m², na k.č. broj .../... k.o. Brčko ..., sa udjelom 1/1.

dakle, s ciljem da sebi pribavi kakvu pogodnost licu nadležnom za odobravanje pogodnosti dala neistinite podatke značajne za dobijanje pogodnosti, a vrijedost pribavljenje pogodnosti prelazi 10.000,00 KM

M. J. E. Š. i S. P.

2) Postupajući u svojstvu članova Komisije za odabir korisnika pomoći, imenovani Odlukom šefa Odjeljenja za raseljena lica, izbjeglice i stambena pitanja broj predmeta Vlade Brčko distrikta BiH, broj 11-1417LI-022/24 od 05.07.2024. godine a u vezi sa raspisanim Javnim pozivom za dodjelu sredstava broj 11-1417LI-001/24 od 24.05.2024. godine, a suprotno članu 6. stav 3) tačka b), Odluke o načinu raspodjele sredstava za realizaciju programa stambenog zbrinjavanja, sanaciju/rekonstrukciju ratom oštećenih/porušenih stambenih jedinica na području Brčko distrikta Bosne i Hercegovine broj 01.11-0323SR-021/24, nakon što su pribavili podatak od Zemljišnoknjižne kancelarije Osnovnog suda Brčko distrikta BiH da O. R., kao suprug i član porodičnog domaćinstva ima u vlasništvu nekretninu koja se nalazila u ulici ... broj ..., Brčko distrikt BiH upisanu u z.k. ulošku broj ... kao stambena zgrada I površine 81 m², na k.č. broj .../... k.o. Brčko 4 , sa udjelom 1/1 isti nisu prosljedili stručnim službenim licima odjeljenja radi provjere uslovnosti te stambene jedinice, svjesni da su to bili dužni uraditi, shodno navedenoj odredbi spomenute odluke, nego su apsolutno zanemarujući tu informaciju, u Brčkom dana 07.11.2024. godine sačinili, potpisali i u dalju proceduru prosljedili, a što su i htjeli, Preliminarni popis korisnika u programu stambenog zbrinjavanja, sanacija/rekonstrukcija ratom oštećenih/porušenih stambenih jedinica na području Brčko distrikta BiH broj 11-0117ES-004/24, a dana 13.12.2024. godine sačinili i u dalju proceduru prosljedili Konačnu listu korisnika broj 11-0117ES-008/24 koju su potpisali M. J. i E. Š. na osnovu kojih su izvršili odabir korisnika za raspodjelu sredstava namijenjenih za obnovu stambenih jedinica, i na spisku pod rednim brojem 2. naveli za korisnika pomoći O. D., te je shodno tome, Gradonačelnik Brčko distrikta BiH donio Odluku o izdvajanju novčanih sredstava iz operativnog budžeta Brčko distrikta BiH za 2024. godinu broj 01.1-1619SM-014/24 od 18.12.2024. godine kojom je odobrena isplata 27.000,00KM O. D. po naprijed navedenom osnovu, da bi potom između Brčko distrikta kao investitora i O. D. kao korisnika, dana 23.12.2024. godine zaključen ugovor o dodjeli novčanih sredstava broj 01.1-1619SM-005/24 kojom prilikom su joj dana 04.01.2025. godine, od strane Brčko distrikta BiH isplaćena novčana sredstva iz programu stambenog zbrinjavanja, sanacije/rekonstrukcije ratom oštećenih/porušenih stambenih jedinica na području Brčko distrikta Bosne i Hercegovine za 2024. godinu u iznosu od 27.000.00KM, a na koja ista shodno gore navedenim propisima nije imala pravo, čime su u visini naprijed opisane sume novca O. D. pribavili imovinsku korist, a Brčko distriktu prčinili štetu

3) Postupajući u svojstvu članova Komisije za odabir korisnika pomoći, imenovani Odlukom šefa Odjeljenja za raseljena lica, izbjeglice i stambena pitanja broj 11-1417LI-022/24 od 05.07.2024. godine a u vezi sa raspisanim Javnim pozivom za dodjelu sredstava broj 11-1417LI-001/24 od 24.05.2024. godine, svjesni da je jedan od opštih uslova za dodjelu sredstava korisnicima po navedenom osnovu te predviđen članom 6. stav 1) tačka d) Odluke o načinu raspodjele sredstava za realizaciju Programa stambenog zbrinjavanja, sanacije/rekonstrukcije ratom oštećenih/porušenih stambenih jedinica na području Brčko distrikta BiH za 2024. godinu, broj 01.11-0323SR-021/24 od 15.05.2024. godine i taj da podnosilac zahtjeva nije evidentiran u službenim evidencijama Odjeljenja i BIZ-a kao korisnik pomoći, pa kad su utvrdili uvidom u Uvjerenje o činjenicama iz službene evidencije broj 11-1417LI-066/24 od 10.10.2024. godine Odjeljenja za raseljena lica, izbjeglice i stambena pitanja Vlade Brčko distrikta Bosne i Hercegovine, da je podnosilac zahtjeva S. M. evidentiran u Ministastvu za ljudska prava i izbjeglice kao korisnik pomoći sa danom 01.06.2000. godine, kršeći naprijed navedenu odredbu, u Brčkom dana, dana 07.11.2024. godine sačinili, potpisali i u dalju proceduru prosljedili, a što su i htjeli, Preliminarni popis korisnika u programu stambenog zbrinjavanja, sanacija/rekonstrukcija ratom oštećenih/porušenih stambenih jedinica na području Brčko distrikta BiH broj 11-0117ES-004/24, a dana 13.12.2024. godine sačinili i u dalju proceduru prosljedili Konačnu listu korisnika broj 11-0117ES-008/24 koju su potpisali M. J. i E. Š. na osnovu kojih su izvršili odabir korisnika za raspodjelu sredstava namijenjenih za obnovu stambenih jedinica, i na spisku pod rednim brojem 13. naveli za korisnika pomoći S. M., istog uvrstili na konačnu listu za korisnika pomoći i omogućila

mu donaciju u iznosu od 27.000,00 KM na koju on nije imao pravo, iz čega proizilazi da članovi komisije nisu obavili svoje službene dužnosti pri vršenju provjera i odabira korisnika pomoći na način da su postupili suprotno naprijed navedenim internim propisima, te korisniku S. M. iako nije ispunjavao opšte uslove omogućili zaključivanje Ugovora o dodjeli sredstava broj 01.1-1619SM-009/24 od 18.12.2024. godine sa Brčko distrikta BiH, na osnovu kojeg su korisniku sredstava S. M. dana 04.01.2025. godine isplaćena novčana sredstva u iznosu od 27.000,00 KM za sanaciju/rekonstrukciju individualnog stambenog objekta njegovo vlasništvo, koji se nalazi u mjestu ... bb, Brčko distrikt BiH, na koji način je istom pribavljena imovinska korist u visini opisane sume novca, a Brčko distriktu za isti iznos pričinjena šteta

dakle, kao službena lica iskorištavanjem svog službenog ovlaštenja i neobavivši svoje službene dužnosti pribavili jednom imovinsku korist koja prelazi 10.000,00KM, a drugom nanijeli kakvu štetu

čime su: D. O. radnjama opisanim pod tačkom 1. optužnice počinila krivično djelo "Obmana pri dobijanju kredita ili drugih pogodnosti" iz člana 262. stav (2) Krivičnog zakona Brčko distrikta BiH, a M. J., E. Š. i S. P. – radnjama opisanim pod tačkama 2. i 3. optužnice, kao saizvršiooci, počinili produženo krivično djelo "Zloupotreba položaja ili ovlaštenja" iz člana 377. stav (2), a u vezi sa članom 55. Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
